


Euskal presoen eskubideen alde

Pasa den abenduaren 24an, zera aipatu genuen manifestazio honen berri ematekoan: «Asko direla jakinda, guztion artean, gatazka politikoa gaingitu eta Euskal Herrian demokrazia eta bake eszenatoki bat behin betikoz kokatzeko prozesu hau lagundu eta sendotzeko eman beharreko urratsak, euskal gizarteak pairatzen duen sufrimendua desagertarazteko helburuak bultzatzen gaitu».

Gaur urrats bat eman dugu, urrats handi bat, pentsamendu eta ibilbide politiko anitzetako euskal herritarrek Bilboko kaleetan zehar manifestatu gara, euskal presoek dagozkien eskubideak errespetatuak izan daitezen exijituz. Zentzu honetan, gaur hona hurbildu diren hamarnaka mila pertsonen presentzia eta manifestazio honekin bat egin duten erakunde guztiak eskertu nahi ditugu.

Euskal presoen dispersio eta urruntzea salatzen dugu eta, gizatasun eta legalitate printzipioak bete daitezen eskatzearekin batera, Espainia eta Frantziako gobernuei beren ahalegin hau bertan behera utz dezaten exijitzen diegu, zalantzarik gabe ahaletin politikoa dena eta Euskal Herriak ilusioz eta arduraz bizi eta protagonizatzen duen prozesu politiko honetan preso eta senitartekoak truke txanpon bezala instru-

■ EAJ, HB, EA, IU-EB, AB, Batzarre eta Zutik alderdiek hitzartutako idatzia irakurri zuten atzoko manifestazioaren amaieran, hiru hizkuntzatan: Eusko Alderdi Jeltzaleko Jose Antonio Rubalkabak gaztelaniaz, Herri Batasunako Fernando Barrenak euskaraz eta Abertzaleen Batasunako Richard Irazustak frantsesez.



LUIS TEJIDO / EFE

mentalizatzea begiratzeko duena.

Gizakion eskubideak, askatasunik gabekoa barne, zintzotasun osoz errespetatuak izan behar dute, edozein izanda ere aukera politiko edo animo negoziatzailea. Eta horregatik, zenbatezina diren adierazpen instituzionaletan baieztatu den moduan, askatasunik gabeko euskal herritarrek beren zigorrak Euskal Herriko espetxeetan bete ditzaten exijitzen dugu. Beren zigorraren hiru laurdenak be-

■ ■ ■ Hona ekarri gaitu Justiziaren urgentziatzko premiak eta bakean eta demokrazian oinarritutako eszenarioa eraikitzeko konpromisoak

teta dituzten presoek, zigorkriterio erregresiboak baliatuko ez balira, askatasunean egoteko eskubidea dute, eta era berean, gaixotasun sendaezinak dituzten presoentzat baldintzapeko askatasuna eskatzen dugu, 92. artikulua ezarri.

Azken urteotan, euskal gizartearen gehiengoak, eta bere instituzio ezberdinek, etengabe aldarrikatu dute egungo espetxe politikaren aldaketa eta dispersioaren amaiera. Gizarte erakunde ezberdinek

bultzatutako mobilizazio ugari gain, gaur hona ekarri gaitu justiziaren urgentziatzko premiak eta Euskal Herriarentzat giza eskubide

banakakoak nahiz kolektiboak errespetatuko dituen demokrazia eta bakean oinarritutako eszenarioa eraikitzeko konpromisoak.

Egungo egoeran soberan daude inmovilismoak, probokazio politikoak, eskubideak urratzen dituzten ekintzak eta erantzunak, eta inoiz baino beharrezkoagoa da Euskal Herriaren borondatean oinarritutako den prozesu demokratikoa sakondu eta sendotzea.

Gaur, legalitateari lotutako printzipioez eta zilegitasun demokratikoaz gain, historikoa gertatu den mobilizazio sozial honen argumentua jartzen dugu mahai gainean. Espainiar eta frantziar gobernuak kontuan hartu

behar dute hau guztia eta arduraz eta azkartasunez kasu egin hemen aipatzen diren eskakizunei: EUSKAL PRESOEN ESKUBIDEAK ERRESPETATUAK IZAN DAITEZELA. EUSKAL PRESOEN ESKUBIDE GUZTIEN ERRESPETUA ORAIN. EUSKALDUNAK DIRIELAKO, EUSKAL PRESOAK EUSKAL HERRIRA.

Bilbo, 1999ko urtarrilaren 9a

EAJ-PNV, HB, EA, IU-EB, AB, Batzarre eta Zutik

Jendetza • Ezin konta ahala jende bildu da Bilboko kaleetan presoen eskubideen alde. Kantitateak, multzo izugarri horrek, hunkitu eta txunditu egiten du, baina nabarmendu beharra dago presoen aldeko itsasoa osatu duten milaka tanta horiek herritarrek direla eta borondate politiko jakin bat adierazi dutela, hots, presoak Euskal Herrian izan nahia.

Bidea • Orain arteko liskarrak alde batera utzi eta

elkarlanaren bideari eutsi dioten indar politikoetako jendea elkarturik ikusteak konfiantza indartzeko balio behar du. ETaren su-etena-ekin batera hasitako bidearen egokitasunarekiko konfiantza. Euskal Herri berri bat eraikitzeko ilusioa piztu-

Bidea ebakiz

■
Pello Urzelai

rik segitzeko balio behar duen bezala. Orain arte ezinezko gertatzen ziren gauzak posible direla ikusi zen.

Ondorioak • Manifestazioak ondorio bat baino gehiago izango du. Madrilen entzun gorrarena egiten saiatu dira

eta zarata eta interferentzia ugari sortzen saiatuko dira eragina gutxitzeko. Baina horrelako gertaeren itzala luzea izaten da. Aurrera begira, saihestu ezineko erreferentzia puntu bat izango da euskal politikagintzan. Are gehiago, nazioartean erakus-

teko moduko argazki esanguratsu eta bizia izango da atzokoa, Aznarren Gobernuarentzat pisuzko presio bihur dadin.

Mezua • Manifestazioaren agiriak dei egiten zuen «inmovilismoak, probokazio politikoak, eskubideak urratzen dituzten ekintzak eta erantzunak» alde batera uzteko. Kanpokoez gain, barneko interferentziak gaingituzko dei interesgarria.